



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1719. usque ad annum 1720

Fleury, Claude

August. Vind. [u.a.], 1782

VD18 13322648

§. 43. Idem Cardinalis Pontificis jussu Genuæ in custodiam datus.

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

Sæc. XVIII.
A. C. 1720.

§. XLIII.

*Idem Cardinalis Pontificis jussu Genuam
in custodiam datus.*

Igitur Cardinalis Alberonius die undecima Decembris Madritum excedens, Cataloniam contendit, ubi Regis Administro omnes ejus sarcinae diligentius excussæ, pluresque literæ inde depromptæ Madritum remittebantur, ipse vero a Provincialibus Hispaniæ militibus hostiliter invasus, cunctisque pretiosioribus spoliatus, ut vitæ suæ securitati consulere, aliena veste indutus, pedes Gerundam venit, inde Antipolin, urbem in Franciæ finibus sitam, die decima Januarii hoc anno delatus. Haud ægre quidem publicæ securitatis literas a Philippo Aurelianensi Duce ibidem obtinuit, cum tamen Parisiis colloquendi veniam impetrare nequivit, quamvis unius dumtaxat quadrantis horæ spatium ad detegenda maximi momenti negotia sibi indulgeri impensissime rogasset. Itaque iter suum Genuam versus profectus, & die quinta Februarii Sevetre Tiguliorum appulsus ibidem aliquamdiu subsistere statuit, multiplici tædio fractas reparaturus vires. Verum præter omnem expectationem Pontificis

Cur.

Cursor Roma adventans, coram testi- Sec. XVIII.
 bus & Notario literas Alberonio con- A. C. 1720.
 signavit, quibus eidem Pontificiam di-
 tionem ingredi Romamque venire in-
 terdictum, nisi captivus in arce S. An-
 geli detineri vellet: comperto enim
 Alberonii adventu mox Cæsareus Ora-
 tor Papam adiit, postulans, ut huic
 Cardinali, utpote jurato Imperatoris,
 Austriacæque Domus hosti in Pontificiis
 terris commorandi facultatem denega-
 ret. Insuper die vigesima quarta Fe-
 bruarii Pontifex Patrem Maynerium
 FF. Cruciferorum Vice - Procuratorem
 Generalem Roma Genuam veredariis
 equis unacum literis contendere jussit,
 quibus Dux & Senatus per ipsum etiam
 Cardinalem Imperiali & Hispaniæ Le-
 gatum rogabatur, ut Cardinalem cu-
 stodiæ ob gravissimas causas totius Chri-
 stianæ rei bonum concernentes dari
 curarent, ac demum Pontificio S. Inquisi-
 tionis Commissario traderent: Tergi-
 versabatur primo Senatus, habita ta-
 men deliberatione Morganium Tribu-
 num cum sexaginta militibus Sevestam
 decrevit. Hic ergo die vigesima quinta
 ejusdem Mensis eo delatus, Alberonio
 denunciabat, ut ex Pontificis, Roma-
 næque Inquisitionis mandato captivus
 in Palatio suo hæreret, nec inde pedem
 offerre præsumeret. Tam arcte per ali-
 quot

Sæc. XVIII. quot dies custodiebatur Cardinalis, ut
A. C. 1720. ab omni aditu, literarum commercio, ho-
 minumque colloquio arceretur, ac in-
 super juvenis, quem ab epistolis ha-
 buit, captus Clavarum abduceretur. Re-
 tamen maturius perpensa Senatus civi-
 tatis, hospitalitatisque jura violari ve-
 ritus, summum Pontificem datis li-
 ris rogabat, ut apertius significare ve-
 let, qua ratione delictum, cujus Car-
 dinalis insimulatus in custodia detine-
 retur, religionem concerneret: post-
 quam vero de re potius politica agi,
 ex Pontificis responso patebat, Senatus
 die duodecima Aprilis revocato fidele-
 litum Præfecto Cardinalem in pristinam
 asseruit libertatem: Hic vero aliquan-
 diu adhuc Sevestæ hæsit, dicere solet,
 suæ libertati, dum a militibus custodi-
 retur, magis fuisse consultum, quam
 dum libertati redditus esset, eoquod
 neminem haberet, cui se tuto com-
 mittere posset.

§. XLIV.

*Romanæ Inquisitionis acta in eundem
 Cardinalem.*

Hist. Univ.
 t. 8. *Period.*
 2. p. 849.
Vit. Card.
 t. 3. p. 109.

Quamprimum Clemens Pontifex pri-
 mas Genuensis Senatus literas re-
 ceperat, mox die sexta Aprilis Cardi-
 nales Astallium, Barberinium, Calo-
 nium,